



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0038632 25
Travnik, 23.06.2026.godine

OPĆINSKOM SUDU U TRAVNIKU
- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

O P T U Ź N I C U

Protiv:
M. M.

Zbog postojanja osnovane sumnje da je:

Dana 28.09.2025. godine oko 16,00 sati u Ulici Ive Andrića bb, u Novom Travniku Grad Novi Travnik, ošteti tuđu stvar I napao na službene osobe u vršenju poslova sigurnosti, u alkoholisanom stanju alkoholne opitosti srednjeg stepena sa koncentracijom alkohola u krvi od 1,79 promila i zbog postojanja ranije evidentiranih psihijatrijskih bolesti označenih kao ovisnost o alkoholu i drugim psihoaktivnim sredstvima, kao i hronične forme PTSP-a, bez postojanja simptoma zaostalog duševnog razvoja, zbog čega su njegove sposobnosti shvatanja i upravljanja svojim postupcima bile bitno smanjenje, pa iako se u prethodnom periodu liječio od ovisnosti od alkohola, i da mu je korištenje alkohola zabranjeno, doveo se u alkoholisano stanje, zbog čega su njegovi postupci bili bitno smanjeni, te je ponio sa sobom tesarsku sjekiru , sa drvenom drškom dužine 40 cm I metalnom glavom dužine oštrice 9 milimetara I metalne sklopive ljestve sa 3 stepenice dužine 115 cm I širine 41 cm i ušao u ugostiteljski objekat SUR Caffè Club Sport u vlasništvu oštećenog Z. J. u kojem se nalazi I sportska kladionica Sport Plus d.o.o. koja je fizički odvojena kliznim staklenim vratima od aluminijskog profila koja su bila otvorena I nakon što je za stolom na koji je stavio sjekiru popio kafu sa rasklopljenim ljestvama je došao u blizinu pulta u tom objektu ispod postavljenih LED televizora koji služe za prikaz rezultata uplaćenih listića za klađenje, preko kojih se popeo da dohvati staklene ekrane

televizora, te pomoću fizičke snage i tesarske sjekire u nekoliko navrata djelovao na ekrane LED televizora marke LG sa dijagonalom ekrana 165 cm, postavljen na zidu lijevo od šanka, na tri komada LED TV marke LG dijagonale ekrana 127 cm postavljeni na zidu iza šanka, na ekran LED TV marke HISENSE dijagonale ekrana 152 cm postavljen na zidu desno od šanka, na ekran LED TV marke Redline dijagonala ekrana 152 cm postavljen na izlogu staklene bašte desno od šanka, na ekran LED TV marke LG dijagonale 106 cm, na ekran TV LED postavljen na betonskom stubu sa prednje strane šanka, na ekran LED TV marke Hisense dijagonale 152 cm postavljen sa druge strane betonskog stuba sa prednje strane šanka, na ekran LED TV marke LG dijagonale 127 cm, postavljen na zidu sa prednje strane šanka, a zatim je preko otvorenih vrata ušao u prostoriju sportske kladionice Sport Plus lociran u sklopu istog objekta sa ljestvama i sjekirom, te je pomoću te sjekire i fizičke snage, a nakon što se popeo preko ljestava u nekoliko navrata udario u ekrane led tv plazme i to u tri TV-a marke LG dijagonale 106 cm postavljeni iznad pulta kladionice i na jedan ekran LED TV plazme marke LG dijagonale ekrana 121 cm postavljen na zidu desno od pulta, a nasuprot ulaza u kladionicu, na koji način je oštetio i učinio neupotrebljivim 12 komada LED TV plazmi, svjestan da pomoću teške metalne zaboljene oštrice sjekire djelujući na staklene ekrane TV Plazmi će iste oštetiti, razbiti i učiniti neupotrebljivim, što je i htio, a zatim izlazi ispred ugostiteljskog objekta i prilazi lijevo od ulaznih vrata postavljenoj mašini "ComboBoxng" tzv. boxing mašini koja služi za prikaz rezultate i snage udaraca te pomoću iste sjekire i fizičke snage djeluje na stakleni ekran te mašine kojeg razbija i oštećuje i kako se vlasnik ugostiteljskog objekta za to vrijeme nalazio u ugostiteljskom objektu i pokušao ga spriječiti u čemu nije uspio jer mu je zaprijetio riječima: "pusti mi sjekiru, otići ću kući po nešto drugo, pa ću napraviti veće zlo" i kako je oštećeni pozvao policiju koja je došla na lice mjesta i zatekla ga ispred objekta sa sjekirom u ruci kojom razbija boxing mašinu i u trenutku kada su mu prilazili okrenuo se prema policajcima A. D., K. Z. i M. Č. i počeo zamahivati sjekirom u njihovom pravcu obraćajući im se riječima: "priđite da vas sasječem. majku vam jebem" te su policijski službenici glasnim i jasnim naredbama tražili da odloži sjekiru na što se oglušio obraćajući im se riječima: "neću da je spusti, šta mi možete, priđite i sami je uzmite ako smijete, majku vam jebem" i dok su se policijski službenici držali na određenoj udaljenosti radi svoje bezbjednosti stalno mu izdavajući naredbe da odloži sjekiru i ne zamahuje istom u pravcu njihovom i da im se ne približava, policijski službenici koji su došli na lice mjesta A. L. i Dž. P. zajedno sa A. D. su pokušavali da mu priđu sa strane i oduzmu sjekiru i stave pod kontrolu, ali je pružao aktivan otpor stalno zamahujući sjekirom prema njima, pa kada je ugledao policijskog službenika M. Č., koji mu je prilazio sa bočne strane obratio mu se riječima: "halo ti, doći ću ti kući i sve ću vas pobiti, majku ti jebem" i kako je u tom trenutku pored tog ugostiteljskog objekta polazilo J. M. koji poznaje M. M. i video policijske službenike prema kojim zamahuje sjekirom obratio mu se riječima: "M. šta to radiš, smiri se" i u trenutku kada mu se okrenuo policijski službenici su žurno reagovali te mu prišli, uzeli sjekiru i stavili ga pod kontrolu a zatim odvezli u policijsku stanicu, svjestan da ozbiljno prijeti da će

napasti na službene policijske osobe u vršenju poslova javne sigurnosti i očivanju javnog reda što je i htio.

Dakle, oštetio tuđu stvar i ozbiljno prijetio da će napasti na službene osobe u vršenju poslova javne sigurnosti i dužnosti čuvanja javnog reda.

Čime je počinio krivično djelo Oštećenje tuđe stvari iz člana 293. stav 1. u sticaju sa krivičnim djelom Napad na službenu osobu u vršenju poslova sigurnosti iz člana 359. stav 2. u vezi sa stavom 1. KZ FBiH u vezi sa članom 54. KZ FBiH.

Predlažemo da sud shodno odredbi člana 411. ZKP FBiH, izrekne mjeru obaveznog psihijatrijskog liječenja ambulantnim tipom.

KANTONALNI TUŽILAC